

Хальмгуд советин йосна төлө

Мана советин йосн тогтад 40-джил болдж йосна. Тер 40 джилин эргид мана төрскнй олн келн-амтн, алдр Ленинэ тосхсн Коммунистическ партин гардврар, аграрн, хоцрдж йовсн орн-нутгасн, газадн аргта гисн Америка, Англия, Франциг күүцэд, зэрминь давад, ик гидг байн, эврәннь кунд индустрта орн-нутг болв.

Алдр Ленинэ зурсн зураггар, орс, украинец, грузин, нань чигн келн-амтс цуггар чидлэн негдүлдж, энхкр төрскнй элд-ахуг бсгдж, шундж баян-хана. Тедн дотр, мана хальмгуд орн-нутгинь олн-келн-амтлэ ах—дү болдж, джиргедж баян.

Би болхла, 1918 джидин наррар, баахн кбвүн, Аадрхнд бүрлсн хальмгин негдгч полкд церглэч болдж орлав. Тиигхд Аадрхнэ эргмэр баях Хальмг Базр, Багь-Цоохр, Хошуд, Ик-цоохр, Харухс газрмудиг цагьячудас харсдж батлдж, ик гидг белдвр кедж байсмн. Эс гидж тер нутгудин дару Аадрхн баях, Аадрхнэ дару Баку. Цагьячуд Аадрхн Баку хойриг мана цутхлнь райондас йилгъяд, нефть зблгиг тасхлар седсн болд жана. Тер учрар С. М. Киров, Аадрхнэ эргм харслгьиг хальмин партизана отрядт даалгьсмн. Отрядин толгъач, хальмгин үрн, тер цагин баатр, Отхна Ходжа эврән эрки нинь—Ковүнэ Долан нбкдтэ харсдж, баях нутгудиннь амтнэ дөнъ-нобкдэр сан гидгэр белдвр кедж, цагьяна цергт цань уга сбрлгь бсгсн.

Тиигхд бидн 3 хальмг кбвүн, үр Амр-Сананиг дахад Москва орад, келн-амтнэ кергүүдин комиссариатас цайлтгьвр авч, Саратовск болн Аадрхнэ губерньсд цайлтгьврин кбдлмш кех болдж гарвди. Тер газрмудтан ирэд, селэн-хотдар йовдж, хургуд хурагъяд, нутгин болн йамгин Советс амтид нбкд болдж тосхвди. Тиигхд нанла хамдан И. С. Эренценов болн Э. Шаваев йовла.

Мана полкин комиссар, Ик-Цоохр нутга Манджиев Шуургъчас бишнъкннь, наадк толгъачирнь цугтан хаана цергин офицермүд билэ. Тедн, хальгт церг тогтсн дурго болад харнъгу, ном-сургуль уга цергчир дотрагитац кегъяд байсмн. Зарм цергчир теднэ хар саната, керг уга үгмүдинь сонъсад, цергасн оргъяд байсн саам баянэ. Тер цагт полкин комиссар Манджиев Шуургъч, тангъчин даянэ халхин керг-үүлин комиссар үр Масловин дөнъгэр Хальмг тангъчин ЦИК-р дамджуудж, Куч-кблсчирин болн Харслтин Советин уполномоченн, 11-ч аармин ревоенсоветин ахлач С. М. Кирова, мана хальмг полкд, бийсидн даянэ эрдмтэ улсар толгъачир кедж батлти гидж сурсн болдг.

Тер учрар, Теңгин хальмгудас Х. Б. Кануков, В. А. Хомутников, А. Д. Дрючков (Бен-Али), М. Д. Шапшукон, Т. Б. Шевичов болн нань чигн улс ирсн болдг.

Тер заагар Аадрхнэ даянэ йовгн цергин училищд хальмг мбртэ цергин анъг байснд, хальмг багъчуд даянэ халхин

керг-үүд дастха гидж йовулсн болдг. Тунд сурад, С. Г. Манджиев, Х. Убушаев, Б. Актюбеев, Джалов, У. Атуев, Ц. Д. Долатаев, Монтыш Лиджиев, Б. Болдырев, Бендерьян Болдырев, Харзев (хббинь аман бсгн) болн нань чигн кбвуд, взводин командирмүд болдж гарсмн.

Тиигад хальмгин революционн негдгч мбртэ церг ратовск областин Терновка гидг селэнд Х. Б. Кануков, В. А. Хомутников хойран гардврар бүрлсн болдг. Тер тоот кбдлмшт, тангъчдан Советин йос тосхдж йовсн, Амр-Санан, А. Ч. Чапчаев, А. Г. Маслов, Г. М. Манкиров эдн, полк бүрдэлгьнд, чидлэн арвллго днъгэн бсгн улс.

Полк сургуулан чилэгъяд, фронтур йовх саамд, Хальмг тангъчин даянэ халх керг-үүлин толгъач үр Маслов ирдж митинг хурагъяд, чидлэн арвллго, эврәннь йосна төлэ ноолдти гидж келсн болдг.

Тер митингд үр М. И. Калинин ирдж, мана хальмг полкиг йорэгъяд, парть болн правительств таниг орн-нутг Улан Цергчир болдж хортнас хархс гидж ицдж баянэ гидж кель.

Хальмг полкин цергчирин нерн деерас мана командир Хомутников, бидн эврәннь ах-дүүгьин, эк-эцгин улан цусан асхад тогтасн йосан, чидлэн арвллго, цусан харинлго, кегтэ болхла аман цолад орн-нутгиннь чиртэ Улан Цергт йовсн олн келн, угатэ кбдлмшч амтслэ ах-дү болдж, хаана йос хэрү тосхдж—угатэ улсын цус уухан хяадж йовх хортнас, төрскэн харсхвди гидж келсн болдг.

Мана хальмг революционн полк Балашовск областьд (ола болхла) Ик Улан гидг хазг күүтрин эргнэр цагьячудэ генералмудин, сан зер-зевтэ, күүц сургульта цергтэ харгъдж түрүн даягъян кесн болдг.

Тиигад түрүн даяндан, баахн зуур болсн артиллерийск белдлгнэ дару, мана мбртэ церг чашкан бргэд, дэврэд, хортна цергиг хэрү туугъяд, зерглэгьинь салвлад, зулгьв. Мана полкин 1-ч эскадрона командир А. Д. Дрючков (Бен-Али) эврән эскадронар зүткдж дэврэд, цагьяна цергтал дунднэ ордж, элвг 175 хортиг чавчдж унъгьасн болдг. Тер түрүн даяндан аман арвллго, гавшун кевэр, збрмгэр ноолддж мана үүрмүд Э. Батыров, Б. Кулахов, А. Ангуляев, А. Очиртаев, Ц. М. Очиров, Х. Манджиев, Ж. М. Пюрвеев, Б. Цеденов болн нань чигн улс нерэн гаргьсмн.

Нертэ кевэр түрүн даяндан даялдсндан мана полкин цуг цергчир, командир Хомутников болн комиссар Шуургъч Манджиевэс ханлт авцхамсн. Цааранднь-мана революционн полк, даянчир хортиг кббгъяд, нернь туурад, Чеченэ Грозный гидг балгьснд оч даягъян чилэгъяд, хэрдж ирэд, эврәннь тангъчин элд-ахуг бсгдж, саяхрүлхин тэ шунсмн.

К. А. ДОЛГИН,
 улан партизан, урднь хальмг мбртэ цергин эскадрона командир.